曹操诗词集

三国·曹操

曹操诗词集 . 1 .

目录

胃探简介	01
气出唱(三首)	02
短歌行(二首)	08
秋胡行(二首)	11
善哉行(三首)	15
共寒行	18
步出夏门行(五章)	19
曹操词集	20

曹操简介

曹操(155-220):即魏武帝。三国时政治家、军 事家、诗人。字孟德,小名阿瞒,沛国谯县(今安徽亳州市) 人。初举孝廉,任洛阳北部尉,迁顿丘令。后在镇压黄巾起义 和讨伐懂卓的战争中,逐步扩充军事力量。初平三年(公元1 92年),为衮州牧,分化、诱降青州黄巾军的一部分,编为 "青州兵"。建安元年(196年),迎献帝都许(今河南许 昌)。从此用其名义发号施令,先后削平吕布等割据势力。官 渡之战大破河北割据势力袁绍后,逐渐统一了中国北部。建安 十三年,进位为丞相,率军南下,被孙权和刘备的联军击败于 赤壁。封魏王。子曹丕称帝,追尊为武帝。他在北方屯田,兴 修水利,解决了军粮缺乏的问题,对农业生产的恢复有一定作 用:用人唯才,罗致地主阶级中下层人物,抑制豪强,加强集 权。所统治的地区社会经济得到恢复和发展。精兵法,着《孙 子略解》、《兵书接要》等书。善诗歌 、《蒿里行》、《观沧 海》等篇,抒发自己的政治抱负,并反映汉末人民的苦难生活, 气魄雄伟,慷慨悲凉。散文亦清峻整洁。著作有《魏武帝集》, 已佚,有明人辑本。今有整理排印本《曹操集》。

太祖御军三十余年,手不舍书。书则讲武策,夜则思经传。 登高必赋,及造新诗,被之管弦,皆成乐章。(《魏书》)

上雅好诗书文籍,虽在军旅,手不释卷。每每定省,从容常言:人少好学,则思专,长则善忘;长大而能勤学者,唯吾与袁伯业耳。(《典论·自叙》,袁伯业名遗,袁绍从兄。)

曹公古直,甚有悲凉之句。(钟嵘《诗品》)

曹操诗词集 · 2 ·

气出唱(三首)

驾六龙,乘风而行。 行四海,路下之八邦。 历登高山临溪谷,乘云而行。 行四海外,东到泰山。 仙人玉女,下来翱游。 骖驾六龙饮玉浆。 河水尽,不东流。 解愁腹,饮玉浆。 奉持行,东到蓬莱山,上至天之门。 玉阙下,引见得入, 赤松相对,四面顾望,视正焜煌。 开玉心正兴,其气百道至。 传告无穷闭其口,但当爱气寿万年。 东到海,与天连。 神仙之道,出窈入冥,常当专之。 心恬澹, 无所愒。 欲闭门坐自守,天与期气。 愿得神之人,乘驾云车, 骖驾白鹿,上到天之门,来赐神之药。 跪受之,敬神齐。 当如此,道自来。

曹操诗词集 · 3 ·

其二

华阴山,自以为大。 高百丈,浮云为之盖。 仙人欲来,出随风,列之雨。 吹我洞箫,鼓瑟琴,何誾誾! 酒与歌戏,今日相乐诚为乐。 玉女起,起舞移数时。 鼓吹一何嘈。 从西北来时,仙道多驾烟, 乘云驾龙,乃到昆仑之山, 西王母侧,神仙金止玉亭。 来者为谁?赤松王乔,乃德旋之门。 乐共饮食到黄昏。 多驾合坐,万岁长,宜子孙。 曹操诗词集 .4.

其三

游君山,甚为真。 崔嵬砟硌,尔自为神。 乃到王母台,金阶玉为堂,芝草生殿旁。 东西厢,客满堂。 主人当行觞,坐者长寿遽何央。 长乐甫始宜孙子。 常愿主人增年,与天相守。

精列

厥初生,造划之陶物,莫不有终期。 莫不有终期。 圣贤不能免,何为怀此忧? 愿螭龙之驾,思想昆仑居。 思想昆仑居。 见期于迂怪,志意在蓬莱。 志意在蓬莱。 周礼圣徂落,会稽以坟丘。 会稽以坟丘。 陶陶谁能度?君子以弗忧。 年之暮奈何,时过时来微。 曹操诗词集 .5.

度关山

天地间,人为贵。 立君牧民,为之轨则。 车辙马迹,经纬四极。 黜陟幽明,黎庶繁息。 于铄贤圣,总统邦域。 封建五爵,井田刑狱。 有燔丹书,无普赦赎。 皋陶甫侯,何有失职? 嗟哉后世, 改制易律。 劳民为君,役赋其力。 舜漆食器,畔者十国, 不及唐尧,采椽不斫。 世叹伯夷,欲以厉俗。 侈恶之大,俭为共德。 许由推让,岂有讼曲? 兼爱尚同,疏者为戚。

薤露行

惟汉廿二世,所任诚不良。 沐猴而冠带,知小而谋疆。 犹豫不敢断,因狩执君王。 白虹为贯日,己亦先受殃。 贼臣持国柄,杀主灭宇京。 曹操诗词集 .6.

荡覆帝基业,宗庙以燔丧。 播越西迁移,号泣而且行。 瞻彼洛城郭,微子为哀伤。

对酒

对酒歌,太平时,吏不呼门。 王者贤且明,宰相股肱皆忠良。 咸礼让,民无所争讼。 三年耕有九年储,仓谷满盈。 斑白不负载。 雨泽如此,百谷用成。 却走马,以粪其土田。 爵公侯伯子男,咸爱其民,以黜陟幽明。 子养有若父与兄。 犯礼法,轻重随其刑。 路无拾遗之私。 囹圄空虚,冬节不断。 人耄耋,皆得以寿终。 恩德广及草木昆虫。

蒿里行

关东有义士,兴兵讨群凶。 初期会盟津,乃心在咸阳。 曹操诗词集 .7.

军合力不齐,踌躇而雁行。 势利使人争,嗣还自相戕。 淮南弟称号,刻玺于北方。 铠甲生虮虱,万姓以死亡。 白骨露于野,千里无鸡鸣。 生民百遗一,念之断人肠。

陌上桑

驾虹霓,乘赤云,登彼九疑历玉门。 济天汉,至昆仑,见西王母谒东君。 交赤松,及羡门,受要秘道爱精神。 食芝英,饮醴泉,柱杖桂枝佩秋兰。 绝人事,游浑元,若疾风游欻翩翩。 景未移,行数千,寿如南山不忘愆。 曹操诗词集 .8.

短歌行(二首)

对酒当歌,人生几何? 譬如朝露,去日苦多。 慨当以慷,忧思难忘。 何以解忧?唯有杜康。 青青子衿, 悠悠我心。 但为君故,沉吟至今。 呦呦鹿鸣,食野之苹。 我有嘉宾,鼓瑟吹笙。 明明如月,何时可掇? 忧从中来,不可断绝。 越陌度阡, 枉用相存。 契阔谈宴,心念旧恩。 月明星稀,乌鹊南飞, 绕树三匝,何枝可依? 山不厌高,海不厌深。 周公吐哺,天下归心。

曹操诗词集 .9.

其二

周西伯昌,怀此圣德。 三分天下,而有其二。 修奉贡献,臣节不隆。 崇侯谗之,是以拘系。

后见赦原,赐之斧钺,得使征伐。 为仲尼所称,达及德行, 犹奉事殷,论叙其美。

齐桓之功,为霸之首。 九合诸侯,一匡天下。 一匡天下,不以兵车。 正而不谲,其德传称。

孔子所叹,并称夷吾,民受其恩。 赐与庙胙,命无下拜。 小白不敢尔,天威在颜咫尺。

晋文亦霸,躬奉天王。 受赐圭瓒,秬鬯彤弓, 卢弓矢千,虎贲三百人。 曹操诗词集 · 10 ·

威服诸侯,师之所尊。 八方闻之,名亚齐桓。 河阳之会,诈称周王,是其名纷葩。

秋胡行(二首)

晨上散关山,此道当何难! 晨上散关山,此道当何难! 牛顿不起,车堕谷间。 坐盘石之上,弹五弦之琴。 作为清角韵,意中迷烦。 歌以言志,晨上散关山。

有何三老公,卒来在我旁? 有何三老公,卒来在我旁? 负揜被裘,似非恒人。 谓卿云何困苦以自怨,徨徨所欲,来到此间? 歌以言志,有何三老公?

我居昆仑山,所谓者真人。 我居昆仑山,所谓者真人。 道深有可得。 名山历观,遨游八极,枕石漱流饮泉。 沉吟不决,遂上升天。 歌以言志,我居昆仑山。

去去不可追,长恨相牵攀。去去不可追,长恨相牵攀。

曹操诗词集 · 12 ·

夜夜安得寐,惆怅以自怜。 正而不谲,辞赋依因。 经传所过,西来所传。 歌以言志,去去不可追。 曹操诗词集 · 13 ·

其二

愿登泰华山,神人共远游。 愿登泰华山,神人共远游。 经历昆仑山,到蓬莱。 飘遥八极,与神人俱。 思得神药,万岁为期。 歌以言志,愿登泰华山。

天地何长久!人道居之短。 天地何长久!人道居之短。 世言伯阳,殊不知老; 赤松王乔,亦云得道。 得之未闻,庶以寿考。 歌以言志,天地何长久!

明明日月光,何所不光昭!明明日月光,何所不光昭!二仪合圣化,贵者独人不?万国率土,莫非王臣。仁义为名,礼乐为荣。歌以言志,明明日月关。

四时更逝去,昼夜以成岁。

曹操诗词集 · 14 ·

四时更逝去,昼夜以成岁。 大人先天而天弗违。 不戚年往,忧世不治。 存亡有命,虑之为蚩。 歌以言志,四时更逝去。

戚戚欲何念!欢笑意所之。 戚戚欲何念!欢笑意所之。 壮盛智愚,殊不再来。 爱时进趣,将以惠谁? 泛泛放逸,亦同何为! 歌以言志,戚戚欲何念! 曹操诗词集 · 15 ·

善哉行(三首)

古公亶甫,积德垂仁。 思弘一道,哲王于豳。

太伯仲雍,王德之仁。 行施百世,断发文身。

伯夷叔齐,古之遗贤。 让国不用,饿殂首山。

智哉山甫,相彼宣王。何用杜伯,累我圣贤。

齐桓之霸,赖得仲父。 后任竖刁,虫流出户。

晏子平仲,积德兼仁。 与世沉德,未必思命。

仲尼之世,主国为君。 随制饮酒,扬波使官。

曹操诗词集 . 16.

其二

自惜身薄祜, 夙贱罹孤苦。 既无三徙教, 不闻过庭语。

其穷如抽裂,自以思所怙。 虽怀一介志,是时其能与!

守穷者贫贱,惋叹泪如雨。 泣涕于悲夫,乞活安能睹?

我愿于天穷,琅邪倾侧左。 虽欲竭忠诚,欣公归其楚。

快人由为叹,抱情不得叙。 显行天教人,谁知莫不绪。

我愿何时随?此叹亦难处。 今我将何照于光曜?释衔不如雨。 曹操诗词集 . 17.

其三

朝日乐相乐,酣饮不知醉。 悲弦激新声,长笛吹清气。

弦歌感人肠,四坐皆欢悦。 寥寥高堂上,凉风入我室。

持满如不盈,有德者能卒。 君子多苦心,所愁不但一。

慊慊下白屋, 吐握不可失。 众宾饱满归, 主人苦不悉。

比翼翔云汉,罗者安所羁? 冲静得自然,荣华何足为! 曹操诗词集 . 18.

苦寒行

北上太行山,艰哉何巍巍! 羊肠阪诘屈,车轮为之摧。 树木何萧瑟,北风声正悲! 熊罴对我蹲,虎豹夹路啼。 溪谷少人民,雪落何霏霏! 延颈长叹息,远行多所怀。 我心何怫郁?思欲一东相。 水深桥梁绝,两路正徘徊。 迷惑失故路,薄暮无宿栖。 行行已远,斧冰持作糜。 悲彼《东山》诗,悠悠令我哀。

(作于建安十一年)

曹操诗词集 · 19 ·

步出夏门行 (五章)

艳

云行雨步,超越九江之皋。 临观异同,心意怀豫,不知当复何从? 经过至我碣石,心惆怅我东海。

(作于建安十二年春)

观沧海

东临碣石,以观沧海。 水何澹澹,山岛竦峙。 树木丛生,百草丰茂。 秋风萧瑟,洪波涌起。 日月之行,若出其中; 星汉灿烂,若出其里。 幸甚至哉!歌以咏志。

(作于建安十二年秋)

曹操诗词集 · 20 ·

冬十月

孟冬十月,北风徘徊, 天气肃清,繁霜霏霏。 鹍鸡晨鸣,鸿雁南飞, 鸷鸟潜藏,熊罴窟栖。 钱镈停置,农收积场。 逆旅整设,以通贾商。 幸甚至哉!歌以咏志。

(作于建安十二年至十三年冬)

土不同

乡土不同,河朔隆冬。 流澌浮漂,舟船行难。 锥不入地,葑藾深奥。 水竭不流,冰坚可蹈。 士隐者贫,勇侠轻非。 心常叹怨,戚戚多悲。 幸甚至哉!歌以咏志。

龟虽寿

神龟虽寿, 猷有竟时。

曹操诗词集 · 21 ·

腾蛇乘雾,终为土灰。 老骥伏枥,志在千里; 烈士暮年,壮心不已。 盈缩之期,不但在天; 养怡之福,可得永年。 幸甚至哉!歌以咏志。

却东西门行

鸿雁出塞北,乃在无人乡。 举翅万余里,行止自成行。 冬节食南稻,春日复北翔。 田中有转蓬,随风远飘扬。 长与故根绝,万岁不相方。 奈何此征夫,安得驱四方。 对马不解鞍,何时返故高! 神龙藏深泉,挺兽步高? 狐死归首丘,故乡安可忘!

谣俗词

瓮中无斗储,发箧无尺缯。 友来从我贷,不知所以应。 曹操诗词集 · 22 ·

董逃歌词

德行不亏缺,变故自难常。 郑康成行酒,伏地气绝; 郭景图命尽干园桑。

塘上行

曹操诗词集 · 20 ·

曹组词集

点绛唇 咏御射

秋劲风高,暗知斗力添弓面。靶分局干。月到天心满。 白羽流星,飞上黄金碗。胡沙雁。云边惊散。压尽天山箭。

点绛唇

疏柳残蝉,助人离思斜阳外。淡烟流霭。节物随时改。 水已无情,风更无情骤。兰舟解。水流风快。回首人何在。

点绛唇

密炬高烧,宝刀时翦金花碎。照人次醉。也照人无睡。 待得灰心,陪尽千行泪。笼纱里。夜凉如水。犹喜长成对。

如梦令

门外绿阴千顷。两两黄鹏相应。睡起不胜情,行到碧梧金并。

曹操诗词集 · 24 ·

人静。风动一枝花影。 茅舍竹篱边,雀噪晚技时节。一阵暗香飘处,已难禁愁绝。 江南得地故先开,不待有飞雪。肠断几回山路,恨无人攀折。

醉花阴

九陌寒轻春尚早。灯火都门道。月下步莲人,薄薄香罗,峭窄春衫小。梅妆浅谈风蛾袅。随路听嬉笑。无限面皮儿,虽则不同,各是一般好。

点绛唇

云透斜阳,半楼红影明窗户。暮山无数。归雁愁还去。 十里平芜,花远重重树。空凝仁。故人何处。可惜春将暮。

点绛唇

沉醉归来,洞房灯火闲相照。夜寒犹峭。信意和衣倒。 春梦虽多,好梦长长少。纱窗晓。凤韩人悄。花外空啼鸟。

小重山

帘卷东风日射窗。小山庭院静,接回廊。疏疏晴雨弄斜阳。

曹操诗词集 · 25 ·

凭栏久,墙外杏花香。时节好寻芳。多情怀酒伴,忆欢狂。 归鸿应已度潇湘。音书杏,前事忍思量。

小重山

陌上花繁驾乱啼。骅骝金络脑,锦障泥。寻苦行乐忆当时。 联篇处,飞鞋绿杨堤。春物又芳菲。情如风外柳,只依依。 空怜佳景负归期。愁心切,惟有梦魂知。

忆少年

年时酒伴,年时去处,年时春色。清明又近也,却天涯为客。 念过眼、光阴难再得。想前欢、尽成陈迹。登!脑限无语, 把阑干暗拍。

品令

乍寂寞。帘找静,夜久寒生罗幕。窗儿外、有个梧桐树,早一叶、两叶落。独倚屏山欲寐,月转惊飞乌鹊。促织儿、声响虽不大,敢教贤、睡不着。

渔家傲

水上落红时片片。江头雪絮飞缭乱。渺渺碧波天漾远。

曹操诗词集 · 26 ·

平沙暖。花风一阵萍香满。 晚来醉着无人唤。残阳已在青山半。睡觉只疑花改岸。 抬头看。元来弱缆风吹断。

阮郎归

檐头风佩响丁东。帘流烛影红。秋千人散月溶溶。楼台花气中。 春酒醒,夜寒浓。绣装谁与同。只愁梦短不相逢。觉来罗帐空。

蝶恋花

帝卷真珠深院静。满地槐阴,按日如云影。午枕花前情思凝。 象床冰簟光相映。 过面风情如酒醒。沉水瓶寒,带绠来金并。涤尽领襟无睡兴。 围干六曲还重凭。

浣溪沙

柳絮池台淡淡风。碧波花峋小桥通。云连丽宇倚晴空。 芳草绿杨人去住,短墙幽径燕西东。梦条弄蕊得从容。

点绛唇 水饭

曹操诗词集 . 27.

霜落吴江,万畦香稻来场圃。夜村青黍。草屋寒灯雨。 玉粒长腰,沈水温温注。相留住。共抄云子。更听歌声度。

点绛唇

一片商云,定知来做巫山雨。歌声才度;只向风中住。 恼乱禁王,无限李清处。长天暮。又还飞去。目断阳台路。

临江仙

青琐窗深红兽暖,灯前共倒金尊。数枝梅浸玉壶春。 雪明浑似晓,香重欲成云。 户外马嘶催客起,席间欢意留人。从他微霰落纷纷。 不妨吹酒面,归去醒余醺。

鹧鸪天

浅笑轻颦不在多。远山微黛接横被。 情吞绍难千钟酒,心醉飞琼一曲歌。 人欲散,奈愁何。更看朱袖拂云和。 夜深醉墨淋浪处,书遍香红拥项罗。

青玉案

曹操诗词集 · 28 ·

碧山锦树明秋并。路转陡、疑无地。忽有人家临曲水。 竹篱茅舍,酒旗沙岸,一族成村市。 凄凉只恐乡心起。风楼远、回头谩凝梯。何处今宵孤馆里。 一声征雁,半窗残月,总是离人泪。

鹧鸪天

辇路熏风起绿槐。都人凝望满天街。 云韶沓沓鸣鞘肃,艺盖亭亭障扇开。 微雨过,绝纤埃。内家车子走轻雷。 千门不敢垂帘看,总上银钩等驾来。

玉蝴蝶

人生一世。思量争甚底。花开十日,已随尘共水。 且看欲尽花枝,末民伤多酒盏,何须细推物理。 幸容易。有人争奈,只知名与利。朝朝日日,忙忙劫劫地。 待得一响闲时,又却三春过了,何如对花沉醉。

蓦山溪

草尊风暖,楼阁笼轻雾。墙短出花梢,映谁家、绿杨朱户。 寻芳拾翠,符陌自青春,江南远,踏青时,谁念方羁旅。 昔游如梦,空忆磺塘路。罗袖舞台风,想桃花、依然旧树。 曹操诗词集 · 29 ·

一怀离恨,满眼欲归心,山连水,水连云,怅望人何处。

相思会

人无百年人,刚作千年调。待把门关铁铸,鬼见失笑。 多愁早老。惹尽闲烦恼。我醒也,枉劳心,谩计较。 粗衣淡饭,赢取暖和炮。住个宅儿,只要不大不小。 常教洁净,不种闲花草。据见定、乐平生,便是神仙了。

青玉案

田园有计归须早。在家纵贫亦好。南来北去何回了。 光阴送尽,可怜青鬓,暗逐流年老。 寂寥孤馆残灯照。乡思惊时梦初觉。落月苍苍关河晓。 一声鸡唱,马嘶人起,又上长安道。

青门饮

山静烟沉,岸空潮落。晴天万里,飞鸿。南渡。冉冉黄花,翠翘金钢,还是倚风凝露。岁岁青门饮,尽龙山、高阳传侣。旧赏成空,回首旧游,人在何处。 此际谁怜萍泛,空自感光阴,暗伤羁旅。醉里悲歌,夜深惊梦,无奈觉来情绪。孤馆昏还晓,厌时闻、南楼钟鼓。泪眼临风,肠断望中归路。 曹操诗词集 · 30 ·

水龙吟 牡丹

晓天谷雨晴时,翠罗护日轻烟里。 酴配径暖,柳花风谈,千葩浓丽。 三月春光,上林池馆,西都花市。 看轻盈隐约,何须解语,凝情处、无穷意。 金殿筠笼岁贡,最姚黄、一枝娇贵。 东风既与花王,芍药须为近传。 歌舞筵澡,满装归帽,斜答云警。 有高情未已,齐烧绛蜡,向阑边醉。

声声慢

重檐飞峻,丽采横空,繁华壮观都城。 云母屏开八面,人在青冥。凭阑瑞烟深处, 望皇居、遥识蓬瀛。回环阁道,五花相斗,压尽旗亭。 歌酒长春不夜,金翠照罗绮,笑语盈盈。 陆海火山辐横,万国欢声。登临四时总 好,况花朝、月白风清。丰年乐,岁熙熙、且醉太平。